



**HUJIĆ
PORUČIO DA ĆE
"VRATITI ŠUME
PETROVCU"**

SIPA VRSI NOVA PRIVOĐENJA U
NASTAVKU AKCIJE "KOVERTA" ZBOG MITA

Uhapšen poslovođa u "Unsko-sanskim šumama"

**Malverzacije:
Sirćo umiješan u
malverzacije u
vezi s uzimanjem
novca od
pripravnika i
vlasnika pilana
zbog dozvola**

Danica POPOVIĆ

BOSANSKI PETROVAC - Državna agencija za istrage i zaštitu (SIPA) u nastavku akcije "Koverta" uhapsila je Fahrudina Sirću, poslovođu Šumskog

privrednog društva (SPD) "Unsko-sanske šume" u Bosanskom Petrovcu.

Sirćo je uhapšen u četvrtak, a sumnjiče ga za organizovani kriminal, zloupotrebu položaja, protivzakonito posredovanje i

primanje mita.

Iz SIPA su, navodeći inicijale, kazali da je tokom hapšenja Sirće pretreseno nekoliko objekata u Petrovcu.

"Akcija hapšenja osumnjičenog izvedena je po naredbi Kanto-

nalnog suda u Bihaću i Kantonalnog tužilaštva", saopštili su iz SIPA.

Izvor "Nezavisnih" blizak istrazi kazao je da su u okviru akcije pretresene prostorije ŠPD "Unsko-sanske šume" u Petrovcu i kancelarija Sirće.

"Sirćo je umiješan u malverzacije u vezi s uzimanjem novca od pripravnika i vlasnika pilana kako bi dobili dozvolu prilikom sječe šume", kazao je naš izvor.

**RANJA HAPŠENJA
Zbog ovih
malverzacija 11.
juna uhapšen
direktor ŠPD i vozač**

Zlatko Hujić, načelnik opštine Petrovac, nije htio komentarisati ova hapšenja i samo je kazao da će se boriti da se "šume vrate Petrovcu".

Podsjećamo, zbog ovih malverzacija 11. juna uhapšen je Devad Muslimović, direktor ŠPD "Unsko-sanske šume", i njegov vozač Hajrudin Pehlivanović.

Dva dana ranije pao je i Enes Karić, zamjenik upravnika Šumarice "Sana", kod kojeg su pripadnici SIPA pronašli 20.000 KM - obilježenih novčanica, a koje je dobio od jednog bihačkog vlasnika pilane.

Prema nezvaničnim informacijama, Pehlivanović, pritisnut dokazima SIPA, "propjevao" je o korupciji u "Unsko-sanskim šumama".

"Vozač je bio 'poštar' koji je nosio koverte, a organizator direktor Muslimović. Radilo se o 'masnim' ciframa vezanim za dobivanje tendera i lotova u šumama kojima gazduje ovo preduzeće", kazao je ranije izvor blizak istrazi.

U ovoj akciji 25. juna zbog sprečavanja dokazivanja i uticaja na svjedoke uhapšen je i Esad Mešić, šumar iz Petrovca. On je suvlasnik pilane u Petrovcu i radi kao šumar u šumama USK.